



**TERTIB ACARA KEBAKTIAN MINGGU
GKPS P.BULAN-RESORT POLONIA MEDAN**

Minggu XIII Dob Trinitatis, 6 September 2020

TOPIK:

“JOLMA SEDO LAHO IBONIAGAHON”

Live streaming: www.gkpspadangbulan.com/tv

Tata Ibadah: <http://www.gkpspadangbulan.com/tatib>



1. Votum – Introitus – Tonggo

P. Riap ma hita jongjong!

Ibagas goranni Naibata Bapa pakon Tuhan Jesus Kristus pakon Tonduy Napansing, Sitompa langit pakon tanoh on. Amen. Pindahi hanima ma Jahowa, sanggah boi ope jumpah. Dilo hanima ma la, sanggah donok ope la. Haleluya, haleluya, haleluya

K. (mandodingkon: Haleluya, Haleluya, Haleluya)

P. Martonggo ma hita!

Ham Tuhan Naibata na i nagori atas simada hasintongan. Holong ma uhurMu, bere Hamma TonduyMu manorangi uhur nami, ase boi itimbangi anjaha ibotoh hanami harosuh pakon naso iharosuhkon Ham. Hasomani janah togu-togu Hamma hanami margogoh hanami mangkorjahon harosuhMu janah ase boi ibagas na sintong pardomuan nami pakon Ham bani panorang on. Marhitei-hite Jesus Kristus Tuhan nami. Amen (*Hundul kuria*).

2. Mandoding 404. Ganup Ari do in (1-2)

1.Ganup ari do in, ronsi tahun hu tahun,

Sihol do hudodingkon Goran mu.

Ham Tuhan Naibata, sai hupuji do Ham,

halani haganup layak-Mu.

Ham arta naharga, poltik hujolom in,

humbari nahinan Ham do tong Naibatangkin.

Bonani na dear, ronsi sadokah nin.

Panondang na lihar, bai ganup nagolap in.

2. Hatamu do Tuhan, hupindahi nuan,
baben suluh bai pardalankin.
Pitah Ham dansa in, na mambotoh ijin,
Aha na huporluhon Tuhan.
Ham arta naharga, poltik hujolom in,
humbari nahinan Ham do tong Naibatangkin.
Bonani na dear, ronsi sadokah nin.
Panondang na lihar, bai ganup nagolap in.

3. Hasasapan ni Dousa

P. Riap ma hita jongjong!

Martonggo ma hita, sopotkon hita ma dousanta hubani Tuhan Naibata. Ham Tuhan Naibata simada sagala na adong, sibotoh haganup anjaha Naibata parpintor. Iajari Ham do hanami ase mangkamalaskon pasu-pasu na dob ipaondos Ham bannami.Tapi gati do lang ihasonangkon hanami sibere-bere-Mu, janah iajamkon hanami do gogoh,pingkiran sonai age uhur nami sandiri, laho mansuhuni sura-sura nami. Jajat nahurang podas do pangahap nami martambah sinadongan,gabe ipindahi hanami parhiteian naso tiba dalanni. Lang homa ipakei hanami panorang nabinere-Mu in ibagas gok tanggungjawab. Gati do lolei hanami laho mangidah Ham, halani mamparayak arta na laho salpu in. Ham Tuhan marpangulaki ma uhur-Mu mangidah haganup dousa pakon hajahaton nami in. Hartuki Hamma uhur nami ase ulang inunut hanami be mangkorjahon dousa pakon ganup na jahat in. Topa Ham ma uhur na bayu marhitei Tonduy-Mu, ase tongtong hanami manggoluh ibagas hapintoran-Mu. Ibagas Kristus Jesus Sipaluah in, sasap Hamma dousa nami anjaha jalo Hamma tonggo nami on. Amen.

P. Tangar hita ma hata ni Naibata bagah-bagah pasal hasahapanni dousa. Ai seng ra Tuhan in mangambukkon halak ronsi sadokah ni dokahni. Ai agepe domma marhoru ibahen,holong do use uhurNi romban hubani hinabuei ni idopni uhurNi (Tangis-tangis 3:31-32). Ibagas holongni Naibata, domma isasap haganup dousanta. Halani ai,pataridahkon hita tanda-tanda ni pargoluhan na bayu. Hasangapon ma bani Naibata na ibabou.

K. Amen

(hundul kuria)

4. Mandoding 353. Marsora do Tonduy ni Tuhanta in (1-2+4)

1. Marsora do Tonduy ni Tuhanta in.

Gati lang itangar, itulak ham in.

Sai tanda dousamu sopotkon homa.

Holong do atei-Ni isasap do in.

2. Marunduk ni uhur sopotkon ma in,

pambaen mu na jahat ampa jungkatmin.

Ondoskon bai Jesus bulat dirimin,

tongtong ma sai dingat pangkopkop-Ni in.

4. Tarsor ho mardousa ibahen uhurmin,

sai ulang nunuti, tuldalhon ma in.

Dompakhon Tuhanmu, margogoh do in,

manasap dousamu, pamalumhon in.

5. Hata Haporsayaon

P. Riap ma hita jongjong!

Saksihon hita ma haporsayaonta in, songon na sinaksihon ni haganup halak na porsaya bani sab tanoh on!

P+J. Ahu porsaya bani Naibata Bapa, Pargogoh na so tarimbang, na manompa langit pakon tanoh on. Ahu porsaya bani Jesus Kristus, Anak ni Naibata na sasada in, in do Tuhanta, na tinubuhkon ni si Maria sanggah nape haliaban, marhitei tonduy na pansing. Na manaron na parngit, bani panorang ni si Pontius Latus, iparsilangkon, matei anjaha itanom, turun hu nagori toruh. Mulak manggoloh humbani na matei bani ari patoluon. Naik hu surga anjaha hundul i siamun ni Naibata Bapa, Pargogoh na so tarimbang in. Hunjai ma la mulak magira laho manguhumi halak na manggoloh pakon na dob matei. Ahu porsaya bani tonduy na pansing, bani kuria parsadaan na mapansing in, parsaoran ni sagala na mapansing in, bani hasasapan ni dousa, bani parpuhoon ni angkula, pakon bani hagoluhan na sadokah ni dokahni. Amen! (*hundul kuria*)

6. Tingting + Tonggo Pangapition

7. Mandoding 116. Na Monang in Do Da Use Mangankon (1+3)

1. Na monang in do da use mangankon buah ni hayu hagoluhan in.

Lang boi be idahonni hamagouan 'ge hamateian paduahan in.

Ai Naibatani hatundalanni mambaen langkahni tongtong torang.

mambaen langkahni tongtong torang.

3. Na monang ini do bereon-Ku mangan, i surga, manna na ponop ope; ai parlahouni do tongtong ingaton, margoran na bayu homa use; na sinuratkon bai batu intan, tongtong martuah sijalo in. tongtong martuah sijalo in.

8. Ambilan: Matius 27:1-10

9. Manggalang:

P. Paima iondoskon hita galanganta,tangar hita ma lobei hatani Naibata na gabe onjolan banta laho manggalang,aima natarsurat bani: Psalmen 50:14 "Galangkon ma banggalni uhur bani Naibata anjaha galarima bagah-bagahmu bani Sitimbulan in. **Sonari ondoskon hita ma galanganta!**

1. Holong ni Jesus manggomgom ganup kuria
Na patotapkon hasadaonta in.

Damei-Ni in ma manrahut paruhuranta,
Idop uhur ni batar-batarta in

Damei-Ni in ma manrahut paruhuranta,
Idop uhur ni batar-batarta in.

3. Porsaya ma hita bani tonahni Ambilan,
in ma Hatana-Ni Tuhanta Jesus in.

Na sai mangarap bai Tuhan simada tuah,
jumpahan damei sonang totap ijin

Na sai mangarap bai Tuhan simada tuah,
jumpahan damei sonang totap ijin

10. Tonggo Galangan – Panutup – Pasu-pasu:

P. Riap ma hita jongjong!

Martonggo ma hita mangondoskon galanganta hubani Naibata.
Ham Tuhan Naibata, simada hanami pakon haganup goluh nami.
Tarimakasihma hatahonon nami hu Bamu, halani iparmudu-mudu, iparorot
janah ipasu-pasu Ham do goluh nami. Ibere Ham do homa parhioan,
hajorgiton,sipanganon pakon siinumon ronsi naporlu bani goluh nami. Tanda
ni tarimakasih nami, iondoskon hanami do hu Bamu goluh pakon pasu-pasu
na dob binere-Mu, na ipatumpu hanami on gabe galangan nami. Papansing
anjaha pasu-pasu Ham ma on gabe galangan na misbou ilobei-Mu bahan
hasangapon-Mu janah mambahen lambin marhataridahan harajaon-Mu i
dunia on. Sai tambahi Hamma pasu-pasu-Mu janah sai lambin paganda
Hamma holong ni atei-Mu hubannami. Ajari Hamma hanami, ase lambin
igalangkon hanami diri nami pakon hinadongan nami hubai harajaon-Mu
bahan hamulioan-Mu, ibagas goranni Anak-Mu Jesus Kristus Sipaluah hanami.
Amen.

K. (Mandodingkon Amen,...Amen....Amen)

K. Mandodingkon Haleluya N0.281:5

Bamu, o Tuhan manambah au on
Bamu ganupan na dong bangku on
Seng bulih be sirang na rapat Bamu
Martuah sai sonang na roh hu Bamu

P. Ham Bapa nami na inagori atas. Sai napapansing ma Goran-Mu. Sai roh ma
harajaon-Mu. Sai saud ma harosuhni uhur-Mu inagori tongah on songon na
inagori atas. Bere Ham ma bannnami sadari on hagoluhan ari-ari. Sasap Ham
ma dousa nami songon panasap nami bani dousa ni hasoman namardousa
dompak hanami. Ulang hanami bobai Ham huparlajouan. Paluah Ham ma
hanami humbani pangagou!

K. Ai Ham do simada harajaon pakon hagogohon ampa hasangapon sadokahni
dokahni Amen.

P. Laho ma nasiam janah "Hagigihon nasiam ma na jahat, haholongi nasiam ma
na madear, anjaha pajongjong nasiam ma uhuh ihorbangan.

P. Jalo hita ma pasu-pasu humbani Tuhan Naibatanta

Ipasu-pasu anjaha iparorot Tuhan Naibata ma hita. Isondangkon Tuhan
Naibata ma bohini hubanta, janah maidop ma uhur-Ni mangidah hita.
Idompakkon Tuhan Naibata ma bohini hubanta janah ipasorapma damei-Ni
bani tonduyta bei. Amen.